

兩  
浙  
名  
賢  
錄

兩浙名賢錄卷三十八目次

清正

明四

吏部尚書聞靜中淵

臨江府知府徐子淳顯

副都御史孫道甫繼魯

右副都御史石兼伯簡

都察院右僉都御史吳峻伯維嶽

父麟叔龍弟維京附

右副都御史葉景暘照

巡撫陶景熙大順

于允淳從  
子允宜附

應天府通判呂伯時言

太僕寺丞張有功遜業

貴州叅政陳中孚良謨

順天尹查性甫秉彝

于志  
宏附

刑科都給事周孟登崑

四川左叅議韋希尹商臣

江西叅政陶長卿大年

尚寶寺丞陳石卿鯨

廣平府知府翁輔卿相

翰林侍讀學士諸大綬

鶴慶知府沈子輕南金

贛縣訓導龔希文象

附弟驥

貴州按察使劉元白玠

附子

山東巡按御史葉叔明經

雲南副使姚夢賢良弼

萊州府知府錢大行同文

廣西布政許子春應元

汝寧府知府賈名儒

四川副使孫右文校

工部員外呂宗文穆

伯子傳祖附

太僕少卿周允直如砥

湖廣副使徐鳴川鷁

孫繼美附

吏部侍郎姚繼文弘謨

開封府知府許堪

刑部主事郁文芳蘭

刑部尚書孫斯立植

廣西副使趙子衡伊

子邦秩附

按察副使陳彥材楠

山西參議徐仲孚炳

吏部尚書嚴直甫清

刑部主事俞一清乾

按察使馮晉叔覲

子有翼孫貢附

兵科給事許貫之道卿

臨江府通判陸子任鰲

河南副使沈子進科

江西布政使秦鳴和劬

貴州按察使郭可忠孝

吏部尚書陳登之有年

秦州知州尤元明

子弘遠附

少詹黃懋忠洪憲

父琮子承玄附

錦衣項子南元津

通政司參議宋洪虞廷益

兩浙名賢錄卷之三十八目次終

兩浙名賢錄卷之三十八

東海徐象梅仲和氏謨

武原陳 梁則梁氏閔

清正

明四 共六十四人

吏部尚書聞靜中淵

聞淵字靜中鄞人弘治乙丑進士授禮部主客司主事  
正德初劉瑾亂政裁主事員改淵刑部廣東司會部中  
失囚淵與同舍郎當坐瑾獨陰急淵使人語之曰淵來

清正



吾且爲之地。淵謝曰：「罪在我，何敢抵牾。」天子  
卽無罪彼。其如我何？卒不往。同舍郎蒲伏謁瑾、淵，委蛇  
自若。瑾曰：「聞郎貌似夫子，臨辱不驚，固賢者。」卒謝罷。淵  
於是朝士聞之，皆稱聞夫子及瑾逆節著，對簿大廷。瑾  
睚眦廷中，詞不服。淵搥筆具獄，數日。瑾僞造符璽，私畜  
甲兵，人臣無將，當大逆。瑾語寔，遂伏誅。改吏部員外郎，  
轉考功郎中。當上計時，朱寧用事，諸所關說無不從。會  
吏某某賂寧，幸得免。太宰計未決，乃私語淵。二豪得寧  
寧能得。上卽議斥。上不從。奈何？淵對曰：「三載黜陟，

官守之謂何。卽弗從。守官可也。乃竟議斥。有詔從中留之。淵益以謗。謗聞。尋轉選部。益有聲。進南京通政司右通政。居三年。進應天府府尹。嘉靖初。永嘉張聰。安仁桂萼。並以南部郎議大禮。衆持論不合。淵獨以爲然。永嘉謁淵。幸得借淵名列疏首。淵謝不可。終不欲勦說。以結主知。及張桂被召入京。詣應天請舟往。淵正色曰。君命召。不俟駕安得。舟游乎。張桂自此銜淵。尋改順天府府尹。勲貴諸豪舉。皆斂手。千里稱平。晉太常寺卿。有頃。進南京兵部右侍郎。薦武臣馬永等十餘曹。其後皆有寒

外功稱名將召拜刑部右侍郎歷九載始進南京刑部尚書南京獄訟故繁淵勤視爰書甚或中夜不寢諸子以爲請淵歎曰此疑獄也少年文吏深入之吾將爲之求生忽不自知其疲耳淵始以尚書就道永嘉囑曰僕往在南京刑部嘗題詩郎舍中公往願爲我勒石樹後堂淵不答其後僚屬遞至皆爲永嘉致叮嚀淵徐答曰此部尚書堂也紀法在焉淵待罪尚書安敢以相君今日故爲郎官勒石卒不許張益以此銜淵九廟災自陳不職張擬旨策免淵上不從改南京吏部尚書尋

復入爲刑部尚書。刑部諸曹郎鮮事事率以優游相高。  
淵至則以籍授司門籍記諸郎人舍先後於是諸郎皆  
折節勤事。淵以躬行先之。日論報上十餘章無留獄進  
吏部尚書。勝正已以表庶官。嘗問諸郎曰。先朝太宰孰  
優。對曰。無如蹇忠定。王忠肅。淵曰。固也。耿文恪方可否。  
事少宰從左右贊一辭。文恪宣言曰。天子建天官。一  
人耳。安得二天官耶。宰正百官。文恪近之矣。諸郎退相  
語也。淵無讓三君子云。淵節儉出於天性。卽退食尚書  
署。十年着一敝冠。位置有常。不失尺寸。朝食及日中。無

加豆夕則飲水一杯家食十餘年不問諸子生產未幾卒有司以聞世廟輟朝三日乃贈少保謚莊簡祭葬錄蔭部議悉從優制曰可

臨江府知府徐子淳頴

徐顯字子淳錢塘人正德十一年舉鄉試高等十五年會試中式明年辛巳爲世宗初策士賜進士出身授南京刑部廣東司主事廣東司職理京畿訟獄號繁劇難治顯旣明察強力有執守日孜孜寃心法家言踰年大閒習所書獄詞老吏不如也由是練達刑名之譽矣

奕播留都間而顧耻以刀筆自居折節講學慨然慕程  
明道朱晦菴之爲人顓素倜儻不羈高論時出人意表  
至是一變顓爲沉默簡重意氣雍容如也未幾進員外  
郎郎中就署內建澄心亭暇則靜修於中無何以外艱  
去服闋仍原官當是時蘭谿唐某爲少宰延訪天下士  
士多推轂顓者少宰就見顓驟問責難於君何以謂之  
難顓對曰君所謂可而有否者焉臣獻其否以成其可  
君所謂否而有可者焉臣獻其可以去其否茲何容易  
矣而老生常談堯舜之道爲難奚其難少宰悅以顓可

任大用薦爲北禮部儀制司郎中蓋殊調也。皇上方  
嚮意稽古禮文之事札下春官無虛日。顯咸爲草創其  
儀無遺謬者。屬天下歲貢生候部至二百人。顯爲建白  
聽其附試京府以廣旁求。路蓋禮部歲貢生預鄉試始  
此。顯亢厲守高公卿以下干請一切不行。要在絕私交  
行已志專。心上報而已。以嚴見憚。不得久在內。出爲臨  
江守。躬勤庶政。常風興以矯游惰。撻奸發伏如神明。民  
莫敢欺。達官貴人。取道臨江者。泊舟去府治且三十里。  
顯雅意不游聲譽。非大事弗出郭。要人請託輒拒之。曰。

寧負權臣不負吾民又郡中貴強之家抵禁痛繩以法  
不少貸治郡幾五年不遷考績行過家居前月一疾卒  
年四十有二。顓少時善飲酒父嘗戒之絕口不飲及鹿  
鳴舉解猶以未奉父命爲辭人以比之陶侃爲難能云  
副都御史孫道甫繼魯

孫繼魯字道甫其先錢塘人高祖維賢以太學生言事  
謫戍雲南右衛遂家焉南中孫氏自賢始賢生理理生  
鐸鐸生三子祥禰禧禧生數子魯其一也已舉於鄉  
登癸未姚涑榜進士出知湖廣澧州因事改國子助教



以經學著。歷戶部員外郎、郎中。擢守衛輝。會歲蝗旱。餓殍誠禱於天。蝗害除而大雨。隨應。民以爲神。當路特薦。請知淮安。淮安亦遭旱。魯亦竭誠禱於天。大雨亦隨應。如衛輝。歲仍大熟。士民每晨夕焚香尸祝之。士曰我隨民曰我父。無何中官奉命織造江南。道經淮。大作威福。魯抗阻之。遂構疏於朝。逮詔獄。時執政者力護解。得無事。魯出弗謝。然而所遭非霍諸也。茅禍本矣。遂調知貴之黎平。黎苗境也。魯宜猷敷德。不鄙夷之。而苗亦格心。擢湖廣提學副使。陞山西左叅政。分守薊南。登藩欽。賊。

事陞山東按察使。士民擁馬首不得去。而宗藩百餘人以其持法。銜之。謀挾焉。解其裝。惟敝衣。屢無囊金。衆愕曰。我高皇帝御宇。迄今百七十餘年。罕見此官。乃相率載酒。追於郊。至晉持法益堅。凡王府橫暴。弗靖。悉置之法。弗少貸。兩臺交薦。乃擢陝西右布政使。晉提督雁門等處兼巡撫山西右副都御史。安撫大計。以心永肩。而文經武緯。譽望重於一時。會有西陲之役。持論與總督不合。竟被誣下錦衣獄。先是陝西御史楊爵在獄中。無楮具。以破碗劃壁。倡和百餘詩名。破碗集。知魯者以

百口保之。山西有宗藩抗疏救辯，即前解裝肆挾者也。魯方讀易獄中，進退存亡付之一編，而執政阱之不已。竟疽發於背卒，年僅五十。朝野聞而哀之，還葬先塋之次。隆慶改元，言官請曰：「原任山西巡撫副都御史孫繼魯特死，非辜深爲可憫，乞賜褒錄。」制曰：「可。」其贈孫繼魯兵部左侍郎，謚清惠。蔭一子入監讀書，給銀三百兩。勅有司董祠祭，嗟夫魯之清聲直節，至是在天下萬世矣。

右副都御史石璡伯簡

石簡字應伯，台之寧海人。登嘉靖癸未科進士，授江西

餘干縣知縣陞南京兵部武選司郎中、考績之京、不議。  
見權要。權要銜之、僅轉刑部陝西司郎中、改南京吏部。  
文選郎、出知廣東高州府。高州當徼賊焚掠之餘、多方  
料理、民得蕪息、民戴之如父母。以才調直隸安慶府、歸  
途遇盜、發其囊橐如洗、盜噴噴去。安慶地當七省之衝、  
應酬不暇、民甚苦之、爲之均賦役、節冗費、歲計省銀四  
萬兩、刑爲令、迄今不廢。陞雲南兵備副使、轉湖廣按察  
使、未幾陞貴州左布政使。所至聲績赫然、時五溪諸蠻  
四出劫掠、攻勦弗克、撫按以簡威望素著、檄委招撫、簡

單騎而往。諭以禍福。悉倒戈降。無何以病乞身。歸久之。  
以薦補山東左布政使。晉雲南巡撫。都御史而沒。簡平  
生忠信。剛介。利之所在。一介不苟。義所當爲。貞志不回。  
故蒞職。精明政績。炳炳。所得俸餘。悉周親族。囊無餘藏。  
嘗營一室。弗克落成。終之日。幾不能具棺殮。蓋入官三  
十年。而以貧終身。如簡者。不易見也。

右僉都御史吳峻伯維嶽

父麟叔龍弟維京附

吳維嶽字峻伯。孝豐人。父麟與弟龍同舉嘉靖丙戌榜  
進士。並官藩臬。有聲。維嶽之始降也。麟夢舍後山高出。

雲表岩岩嶽立，因以命名。丁酉鄉薦第五，明年成進士，除江陰縣知縣。三載應召，得刑部尚書郎，會虜大入，收兵部尚書，坐吏議輕，連坐議者。獄從容上疏曰：尚書無他獨事重發耳，不報然。廷中獨多吳郎，慮因江西因得從末減者萬五百人。仇者侵徐滾母家，滾殺之，獄當曰：滾以母故殺人，且侵冢，在辟，滾得免。劉福德讓里媼子不孝，里媼子出惡言，福德怒毆殺里媼子，獄當曰：誅不孝，奈何與不孝子等死邪？從輕議釋之。尋轉駕部，歷員外郎，陞按察司副使，督學山東。嶽下車，搃功令惟謹。

檄孔顏孟三氏教授司定約法勒石學舍宣言曰建首  
善請自三氏始其世世守之廣厲諸生務在躬化所至  
左右文行無不當於人心五年進湖廣布政右參議尋  
陞江西按察使已拜都察院右僉都御史巡撫貴州貴  
州半雜夷道多剽掠乃馳羽檄分道遣材官護游校偵  
察之嚴踐更懸賞格凡夷寨各立夷長籍記寨中諸夷  
若干人保界分區界內有犯者坐夷長諸夷無敢竊發  
道乃通於是嶽部署諸夷軌不法者相次就擒境內底  
定會以人言改南去嶽疆直方正不取苟容其初令江

陰也舒御史汀行縣故事御史謁廟縣官長跪候車下  
御史方辭乾諸縣官是甚嶽獨倡言曰天子置縣官  
南面而臨百里且先師在奈何曲跪而巖橋門御史且  
攝之然卒未有以中也嚴分宜嘗屬嶽序鈴山詩嶽因  
辭謝留山東不調客以行聞說嶽謝曰僕待罪儒宗終  
不以善士而聞相國卒以直道不容歸田里時季弟維  
京亦自禮部移官嶽語曰吾結髮入官齒駸駸暮矣自  
今惟日討諸子而訓忠孝力耕稼供田租此吾事也季  
齒壯其毋忘先業以報國家未幾疾作召季與諸子訣



無私言。忽張目曰：「鄉人某子甲，往饋朱衣，母以飲乃。」其  
右副都御史葉景暘照。

葉照字景暘，宋葉水心之後。年十八，領鄉薦。始歸娶，再  
上春宮，不第。益旦夕下帷讀書，恂恂如諸生。時絕不游  
迹，游宴嘉靖癸未，登進士第，授石埭知縣。以才調繁，新  
建邑隸省城，最號繁劇。照區劃裁剗，咸中倫度，案無留  
牘，獄無滯囚。以最聞，徵拜貴州道監察御史。出巡唐鳳，  
再按河南，劾舉不事苛細風裁峻卓。出副使廣東，理稅  
海道。廣東番船奸商多竄入島夷爲市，照嚴下游之罰。

申互市之禁海道肅清未嘗搜珍奇以饒朝貴久之陞  
廣西右叅政晉山東左布政使拜都察院右副都御史  
撫治鄆陽三省流民以萬計易動難安照鎮以肅靜民  
狎於野來歸者三倍於舊時時時念父母春秋高引疾  
乞歸再請而後得肯歸承色養餘一年父母相繼歿哀  
毀過禮凡衣食棺槨必期於誠信不事溺文因舊廬稍  
加葺治無所增分二子田不履一頃服食儉素蕭然如  
寒士及卒囊無餘貲所著有用拙稿焚燬錄博盈集若  
千卷藏於家

湖正

卷之二十八

十

光碧堂

廣西巡撫陶景熙大順

子允淳從子允宜附

陶大順字景熙莊敏公諱之長子文傳公大臨之弟也  
弱冠從莊敏官京師以三河籍中順天鄉試時南大附  
籍舉者凡九人北士驩於朝順與八人者皆歸克本縣  
原生又十六年戊午再舉於鄉又八年偕其子允淳成  
乙丑進士授工部都水司主事以父老移疾歸養終喪  
起補武選陞職方員外郎歷郎中官是時此藩初款塞  
約束未堅奏牒下上日不暇給順條畫詳練事備以辦  
諸債帥交關中貴人一切待不用干請遂絕而是時文

傳亦已爲吏部侍郎兄弟並管樞機拔文武林士進用  
之名爲得人門庭肅清外無餽問而性俱周慎退食冲  
然雖賓客羣居莫能窺其際也子允淳時爲尚寶司丞  
而文僖子允宜復舉禮部軒騎出入京師中以爲盛事  
職方又次當選列卿屬文僖卒官尚寶丞以使還歿於  
家遂力請外補得湖廣兵備副使乃歸經紀葬事詣官  
人之遷山東糧儲道叅政會裁冗員官在裁中歸居四  
年復補湖廣明年擢都察院右副都御史巡撫廣西無  
何中言者致仕歸順鼎議通敏氣慮深沉平居恂恂抑

畏臨事裁斷澗然無滯所決獄平反甚多楚之郢邑與  
宜慰司隣民相與訟有司召其人來讞不至捕之扞捕  
者悉以叛聞發兵討得二十七人奏聞當死會官論決  
順知其冤至是平立不署曰就所書獄此拒捕耳非叛  
也御史勦色曰公言是也然業已奉詔當奈何乃殺一  
人餘乃獲免時巡按御史楊四知當決四屬順差其必  
無赦者十人甲乙以報而復爲篋笑納筒中禱而探之  
所探笑視順所差前後無一人爽四知喜而謝曰公之  
明允乃仰符天意乎宦游凡三十年徒仰祿人居楚時

至斥私奉金二千兩以繕省城。度長國清。耗錢穀之目。最久。尤謹嫌疑。每出內監以郡佐涉筆署封而已。嘗謂諸子曰。吾意欲爾貧。以爲異勝於富。故生平田產無所增加。時閩氏羣從後先爲方伯者三人。皆以清白顯人。亦以此多之。

應天府通判呂伯時言

呂言字伯時。文懿公原之孫。太常卿憲之子也。以蔭補太學生。數試不售。喟然歎曰。吾先聞人之裔也。吾祖德紆謀其後。太常公實直亮。衆無替厥休。夫人所自致。

者奚一第也。也雖一第是以見志矣。遂并不就試歸。歸  
十餘年而當正德甲戌始入選。就東部授太平府通判。  
太平近江商賈往來郡故咸有稅。言至則令曰夫商賈  
國有恒稅郡今又稅是重以困也。其弗稅商賈益纒纒  
來集而民用遂饒。初高皇帝起兵鳳陽壤與太平諸  
郡接詔減諸郡田租之半。然令兵餉馬食就問其駒歲  
歲丰之民無所苦。其後政敝諸郡民日貧餉馬馬多死  
率購他郡駒閱之官官索賂弗得則曰非良駒也斥弗  
遣必賂乃可。而京師遠數千里僅以其駒馳驅之比焉。

則困敗不任用，乃計其費大率三致一耳。以故太平民  
竄匿不願飼馬，言職專馬，乃宵旦經畫行邑勸勞如故  
事，每一令出，民必言新判令也。便於是竄匿者稍稍歸，  
言又嘗有馬政疏矣，其略曰：制不可更，法不可泥。今江  
南駒少，北地多，且良，請使民歲輸銀上之，太僕就  
京師購良馬，不困敗而費省。十九迄，今官民兩利，無何  
以喪繼母歸。三年而改應天府通判，適江南大飢，流民  
就食應天者數十萬，而又疫甚，死者遍野，皆受節賑濟，  
親給食飲不少，避流民存活者十三，而言以遇葬致疾。



遂乞身歸。歸一年而卒。年五十。有人言。歷兩政。幾八年。妻子弗以隨。惟一童。年僅十餘耳。平居治政。常日晏不暇食。卽食無兼味。數日才一舉肉。弗飽也。吳中丞時巡撫江南。阿比羣吏。無敢近。每見言入。必肅然起曰。燕則來。燕則來。以故僚佐多忌之。而又好議天下事。若獨遠無近功。然卒有大致。乃人曰。通判迂言亦曰。吾迂。吾迂。弗較也。其清不絕俗。和不忤物類如此。

太僕寺丞張有功遜業

張遜業字有功。文忠公季敬之仲子。以文忠蔭。官中書

舍人尋侍文忠疾歸永嘉文忠卒而業年甫十五有奉  
當路指辭訖文忠家門者業弗爲顧日治喪禮天子  
方幸承天聞文忠訃而悼之贈太師予謚所以優卹祭  
葬加備業奉文忠命入朝謝因上所賜文忠璽書數百  
通白金印記若而枚天子歸自楚詔進尚寶丞持節  
冊封荆王王始少而賢之享饋加禮業悉謝弗受業固  
饒於才其於詩擅宏麗又能縱筆爲行草一時聲稱籍  
甚而雅好客客稍以詩酒聞卽致之爲長夜飲相繼子  
世蕃亦好飲內莊忌業而外浮慕之業亦陽交驩而酒

酣不能無語失又業所善錦衣沈鍊者上書攻相嚴僞  
罪下獄業橐餗不廢百方爲其帥居間而事稍解當流  
置上谷業齋丙舍爲脫裝世蕃益恚恨曰日飲我也而  
衣食我仇會考滿當遷爲卿乃用大察鑄秩兩淮都轉  
運判官將發上忽下劄相嚴曰故張少師子今何官  
其人安在相嚴不敢對而內媿業因謂其客爲我少留  
張丞吾力能復之瑣聞業笑不顧曰彼豈以我難遷客  
哉遂發轉運權鹽利至夥先任者不能無乾沒而業自  
矢爲撝益鹽離卒坐法不能償且死業至傾橐而代之

積所全活以十數。嘗部輸而道遇寇。問知爲業。遂巡。引  
去曰。是應吏安得贏資乎。御史上其事。始入爲光祿寺  
署正。遷判順天府。未幾。陞太僕寺丞。是時。權嚴勢愈盛。  
吳給事時來坐論其罪。下獄。成業所以慰存有加。世德  
愈益。業恨曰。是尚衣食我飽也。方謀逐業。而業以暴殄  
卒。年三十有六。業見爲斯死。而天性孝友。喜蓄書。圖。顧  
其弟中書舍人稍長。能鑒別。卽盡推與之。曰。吾今而後  
蓄有歸也。當分著業故。謬爲不解。而取瘠者。又先其宗  
族。破敗之。甚於已。東。故。業。雖。美。資。至。歿。而。不。能。庇。也。

宋馬所爲詩有鳴玉集使郢集隲江集奪於酒不能究然識者以爲有梁陳開元風

貴州右叅政陳中夫墓誌

陳良謨字中夫吳興安吉人。生十月而孤。母都氏誓節撫之。年十四補博士弟子員。時當護月。諸生多踴躍相許。笑良謨獨默。晚不樂蹶侮。今青之曰。是兒國器也。自以生不識父。親遺像。轉滯。履面。事都母。蒸蒸敦謹。四十年。一日也。及成進士。以母老。卻選歸省。及卒。毀瘠幾殆。既免喪。復廬於墓。五年而後出。始得工部主事。時且有

給事御史選或曰。盡少需之。良謨不應。起辭之官。授刑部。復乞南。爲祠部。遷車駕員外郎。爲刑部郎。再改儀部。辨祠郎署者十年。而始得參議湖廣。再遷副臬事。滿考。而始得參政貴州。以道遠多瘴。不欲傷親。遣慨然致其仕。歸年僅五十七耳。家食分三之二。御史先後劾薦亡慮數四。而良謨無尺字。走燕中。竟老弗起。初良謨爲諸生。以治易稱名。宋安吉。廖守奇。其才而謂歸安。武令。當人參試事。且治易也。以一東。扁。良謨贊武令爲先容。良謨固謝弗肯往。已武令舉參試。而薦良謨預鄉書。廖

守始得良謨謝弗往狀不擇至是乃服曰吾不如陳生  
遠甚及居官所至常例悉籍之官歸而垂橐蕭條山田  
畝恒蕪藿食弗計也有巨商介良謨友人書爲權異  
居問者徐出千金爲壽良謨入內竟日不復出蓋湖俗  
士大夫以財相高獨見良謨口不敢言財矣十歲解作  
詩於書無所不讀所著有夫日山存稿和陶小稿見聞  
紀訓弦索纂要數十百卷藏於家卒年九十有一

順天府尹查性甫秉齊

子志宏附

查秉彝字性甫海寧人中丞約之從子舉嘉靖戊戌進

士授黃州府推官以能稱召拜禮科給事中時楚世子  
秩其父有司未能正法拜殿其報訃日月之訖而律以  
春秋不膏藥之義獄遂定轉戶科右給事中尋轉左會  
朝覲考察疏陳黜酷吏禁罰贖緩征科等若干條語多  
觸時諱竟以忤旨杖闕下謫雲南定遠典史後爲建寧  
推官遷刑部主事改吏部累遷至文選郎中盡取諸條  
刪去其舛復幾爲一定吏不得爲姦有干請者溫詞遣  
之卒無所撓屈間有誦貴居之如常或教以迎合謝不  
能而起遷太常少卿改大理少卿遷太僕卿所至舉其



職遂尹順天蒞事五日以觸暑致疾卒年五十有人疑  
凝重簡遠有黃子之度居恒恂恂長者及臨事確有定  
守不可以毀譽利害擾之使亂追之使急至於進取之  
際澹如也當始舉進士時將疏請展墓或謂宜少遲以  
需臺諫之選笑不應及予告還例授黃州推官尤之者  
雖至終笑不應葬於爲子爲弟以孝敬稱撫其伯兄之  
孤以慈稱自爲諸生以文稱歷官以廉稱然未嘗自表  
暴與人處退然若無能者蓋其性然也子志宏領順天  
戊午鄉薦清謹有父風父卒於官購儀一切爰謝時京

兆得以例請祭葬。不欲爲縣官費。遂罄世產以給之。隱於龍山。絕意仕進。拜中丞府參軍。義不受祿。當時以忠吏隱。

刑科都給事中周孟登崑

周崑字孟登。崇德人。少有大志。博綜羣籍。所學輒通。憤方爲諸生時。有權貴人行縣。諸生皆入候。崑鄙之。不揖而出。由是名顯。舉嘉靖癸未進士。令玉山賓。嚴行李。四方蟬集。晝夜續無已時。崑節其廩餼。示有度。諸所比周納款。盡謝之。而民力用是以蘊。邑民興清。妻有外私殺。

夫以減口、久繫獄不能決、鼠夜訊之、忽一羊自外突、人  
長鳴者三、鼠目言曰、神告我矣、羊鳴三、殺清者三人也、  
有三人者、色動、立鞠之、而服士大夫爲賦靈羊詩、已更  
進賢、以母喪歸、起補新淦、諸所惠民、務爲休息、愛利如  
玉山、最聞召拜吏科給事中、未幾遷右、已而權刑科都  
給事中、上書論兵事、斤斤可施諸用、而巡視京營、請敕  
戚皆歛手、避莫敢犯、當是時、都御史劉元清、御史馮鳳  
行人薛侃、相繼得罪、下廷鞠、禍且不測、崑獨正言申救、  
得從、未減、袁都督繼勲、臨敵不力、戰崑彈劾之甚厲、聞

者昨舌一時以爲 天子廉臣久之竟罷歸歸日戒門  
自絕師士大夫未遣請踵繼不一見所居卽先世敝廬或  
欲廣之者謝不受而讀書自樂終不一問家人生產獨  
事父兄孝友並至植之本性不言而質行臺使者先後  
交薦於朝未究於用而卒年五十有八

四川布政司左參議章希尹商臣

父子厚附

章商臣字希尹長興人父子厚以進士官黃州郡丞積  
修豈弟有古循吏風卒之日貧無以爲歛郡守何顯高  
其傳爲營殯瘞云商臣其仲子也生甫十五年執喪哀

變動無常。雖時前母兄竟臣。折令自食。值歲大侵。糴  
不繼。而鹽鐵嘉華。仰如也。顧監膏勵。攻舉子業。化化不  
少休。不數年。學成。遂領正德庚午鄉薦。登嘉靖癸未進  
士。第授大理寺右評事。會百事漸弛。多繁詔獄。下大理  
獄。奏商臣自念。白國是固非小臣所敢知。若詳刑則吾  
職也。默然苟祿。其將謂何。於是上疏抗言。剴切忤旨。謫  
常州靖江丞。盡心民事。民咸父母之量。移德安府。推官  
發。健有神明稱。陞河南按察司僉事。分司汝上。條章擬  
飭。風裁凜然。河南諸權貴。類出錢質民田土。及期不歸。

債期遂占業恒收其入而貧民代輸租庸率多逋播商  
臣下令嚴禁若子母相當者輒勒還之以故諸權貴銜  
次骨騰蜚詢於朝竟以考察論罷時已轉四川左叅議  
矣衆論譁不平兩臺會疏論採而商臣一不爲意歸而  
明農課子與郡中諸老結觀山之社倡酬爲樂家素貧  
乏又居官不私一介既其視籍無可以爲生乃督率家  
人晝夜拮据僅以糊其口而服食菲敝有寒士所不能  
堪者當時以此胡威父子

江西右叅政陶長卿大年

子九光附

陶大年字長卿會稽人生而穎異十六爲諸生二十八  
舉於鄉明年辛丑射策登進士第時夏文愍當國文愍  
父與莊敏爲同年又習年有聲禮闈也欲羅致之會選  
庶吉士以爲一修刺造門者秘書郎可立得令其門下  
所善客道指年固謝弗往客訝然去年仰天大笑曰男  
子生而墮地賦予以定彼安能陶鑄我且旣藉名而奏  
太常何官不可爲何必秘書郎吾終不能仰人鼻息  
雖令自是絕足不至文愍門文愍深憾之再踰年始授  
南京兵部主事遷駕部郎執法不撓惟利是視而孤行

其意惟貴者無所關其說竟以正直不容於時出守吉安吉安江右劇郡號難治年以廉靜鎮之大得民和然於法未嘗有所縱舍巨盜劉某主與援暴里中前守莫敢誰何年至則嚴督賊曹掾竟捕得之復窮治主者名主者爲某子甲巨室也或謂年是百足蟲扶者衆矣年不聽竟置重典郡中慄然遂用治郡異等遷山東副使視海上師禽大猾施仁解其黨與事聞陞俸一級會島夷犯閩督撫請增憲臣一人巡視海道部議以年往比至閩寇已薄福寧城督府與年約得盡地而守年請當



福寧時福寧在重圍中、一日夜馳至其地、爲壁畫戰守具、相持累月、諜知有備、去圍連江、連江邑小城、率幾陷者數矣、年勒所部兵大破之、斬首至七十餘級、生得倭酋六人、賊勢大阻、已而督府易年守漳泉、自以其兵駐福興、福興遂不守、非年所轄也、督府旣欲委罪年、自解脫、遂沒年前後功、不敘、直以福興失守爲年罪、疏聞、奪官一級、爲四川叅議、分守川南道、是時潮寇張璉者、倡亂、勢張甚、四省合兵會討、年督狼土兵數十萬、先諸道至、不期月、璉授首、捷聞、有金綺之賜、晉江西右叅政、協

平三巢諸酋以督餉功賜金綺如前居無何以內艱歸時朝廷以災變考察方面官年故所論主盜某子甲業以脫罪而其子且貴爲京朝官欲甘心年諸勢家爲年所抑不得逞者比而傾年相率爲飛語聞遂落職報至年曰吾不能虧法以貸其父宜其子之讐予也是時封公尚善飯而子允光已舉於鄉人有惜年解官者年曰古人一日養不以三公易吾視解叅知級直敵屣耳且修業而息之是在吾子遂一意修甘旨佐封公惟絕口不問戶外事年端方正直慎取予寡言笑自幼至老恒

處於不爭之地。然人亦不敢干以私。所著有讀史口抄、竹屏偶錄、見聞瑣錄、宦轅私記、諸書藏於家。

尚寶司卿陳石卿鯨

子簋附

陳鯨字石卿，慈谿人。登嘉靖丙戌進士第，授湖廣瀏陽縣知縣，治稱神明，秩滿當遷，士民具疏借寇，復任三載，擢吏部考功司主事，轉文選，晉稽勲郎中，轉驗封，周歷四司，殫心厥職，題本堂稿積之成帙，讀者稱其曲盡事情，通達國體。時永嘉執政，百度肅清，訐謖大議，多與鯨商度可否，欲轉春坊論德，引以爲助。鯨力辭之，永嘉益

重焉。永嘉去桂洲代之數對人稱鯨才。擬太用忌者側目。而鯨益自遠。桂洲方以爲訝。忌者乘是間之。桂洲遂不喜。欲外補鯨。鯨聞之喜曰。吾母老矣。得外任以就養。相公之賜。孰大焉。遂授南京尚寶司卿。時大臣惜其才者。授之甚力。鯨一不取。霍渭厓韜時時語人曰。陳石卿道以正行事。以幽濟經世才也。奈何授之散地。鯨如不聞也者。竟拂衣歸。居鄉二十餘年。未嘗以竿牘及有司。諸有司每折節下之。子四皆慤。慨尚義。有父風。仲子簞屨。官兩淮運道司判。登獎正法。一清如水。商人稱爲陳。

天水解官歸，惟篋書數卷而已。鯁不覺色喜，曰：有兒如是，吾無憂後世矣。未幾卒，年七十有六。

廣平府知府翁輔卿相

翁相字輔卿，錢塘人。嘉靖戊戌進士，授工部虞衡司主事。以親老乞南，改南京刑部郎中，遂迎養二尊人。出則省獄囚，治文書，入則僮僕問膳視寢，恂恂如也。諸郎輩聞之，私擬相近萬石君家，少長亦不言而化。未幾，出守廣平。廣平屬畿以內股肱郡，按故事，畿內諸郡無藩臬監司之轄，二千石出入得陳兵轍，羽葆鼓吹，導騎士儀。

術甚尊寵、縣厨稍稍不給、相獨屏去、數單車行縣、所刻已務省約多類此、郡故多盜、白晝劫刑獄、殺略吏民甚橫、相捕得其尤桀驁者、置之法、餘悉縱舍、盜旋亦解散、河北諸郡飢、相不及以檄開、開倉賑濟、全活甚衆、由是諸部使者、交上其賢、稱相治、行爲河朔最、旦夕且報遷、而相已移疾歸矣、相爲人耿介、直亮少與許右、使應元友善、以忠節相期許、已俱嶄然樹立、鄉邦稱賢士夫、人謂翁許善交、庶幾古切劘之義云、相居鄉、自素、屨食不求華美、杜門養高、義不入公府、士人議不識、無不歎其

爲長者歸安茅坤表其墓曰公之守郎署似直塞戾守  
二千石似汲淮揚孝父母友兄弟寡賓客不務聲名似  
漢獨行此皆公之較然章章者古所稱質行君子是也  
當時以爲實錄

翰林院侍讀學士諸大綬

諸大綬字

山陰人父宗輔母陳氏叔父宗教無子

以綬爲後嘉靖癸卯舉於鄉四上春官輒不第歸歸則  
杜門茹酒今古益以淹貫其自律若處子未嘗逐隊登  
公庭有所託丙辰舉會試第二廷試第一人傳臚日越

臥龍山鳴聲聞數里授翰林院修撰己未克會試同考  
試官額天自矢名士多入較中舊制凡爲人後者封不  
及本生綬痛之是夏秩滿乃日夜草奏所胞封葬甚懇  
切肅皇帝嘉其孝特允之於是在廷諸臣凡若此者  
舉相慶以爲此殊典自諸太史始嗣後綬爲學士爲侍  
郎兩值覃恩皆得並及所生如綬官未幾乞假歸生母  
陳淑人卒於途哀毀執喪一如喪父時服除補原官前  
所稱舊制爲人後者不得兼封本生亦未有兼服本生  
者綬領服陳母喪衰經䟽水者三年踰假期且兩闕歲



而後出、當事者哀其情、爲疏於朝、凡後於人者、皆得展其本生、著爲令、在廷諸臣、凡若此者、又舉相慶、以爲此殊典、自諸太史始、乙丑會試、再克同考試官、其所天一、如己未、無何、世宗崩、莊皇帝卽位、克纂修實錄總裁、陞左春坊左諭德、兼侍讀、克經筵日講官、凡五歷寒暑、每進講、必先一夕齋戒、積精凝思、期以至誠悟、主上而丰姿修偉、步止雍肅、音吐宏暢、莊皇帝每竦意聽之、所著經史講意、凡涉理亂幾微、必剴切詳盡、言人所不敢言、未幾、莊皇帝復上賓、綬自以始終

莊皇帝世無日不在侍從沐寵遇殊他班每一哭臨至失聲病大作莊皇帝尋卽幽宮綬又扶疾徒跣行二十餘里哭送於郊自是病益甚不可起涉秋迫季冬凡四上始得請歸不數月竟卒

鶴慶府知府沈子卿南金

沈南金字子卿錢塘人嘉靖癸未進士授南京大理寺評事歷副正擢廣東蕪州府知府處官以誠卽竊盜猶嚴情時有縱舍調江西贛州贛爲江右巨鎮宿重兵民疲供餽南金身先節儉以佐民急杜請託忤時貴竟坐

是遠徙雲南鶴慶府。積疾歸。南金爲人亢直簡素。性  
方。不能容人過。卽尊貴者。嘗面折之。不少假。士大夫家  
居。有司率具輿。諫以從。南金却而徙行。然行亦不入公  
府也。處家約素。食粗衣布。破則綴之。遇子弟。嗃嗃。至奉  
親。則愉色婉容。若兩人。然任性獨往。堅持孤稜。所親戚  
覲之。曰。舉世混俗。乃公獨負爲矯矯哉。南金不應。年益  
老。操執益厲。卒年七十有九。

順縣訓導龔希文象

弟驥附

龔象字希文。義烏人。幼通春秋奧旨。開門授徒。與弟驥

以孝友聞。由貢授。顧縣訓導。而同邑虞守。愚爲巡撫時。有監局首領。以失軍器干辟者。免象居間。持百金以謝。象曰。我家自忠愍以來。世守清白。肯受若金。以汚吾祖。乎。竟揮之。蕙聲振於遠近。已而告老。囊篋蕭然。無以資衣食處之。泊如也。足跡不入公門。惟非罪罹法者。象憐之。間一白其枉。當事者素重象。無不立釋其罪。亦不受謝。如在顛時。以高壽卒於家。

貴州按察使劉元白

子世英世教附

劉炳字元白。縉都郎。木之子。木養於錢。從其姓。未及錢。

至外復爲劉其母鄭端簡曉之姊也八歲遭父喪哀而  
能禮端簡嘉其不凡十九爲諸生二十一舉於鄉二十  
八成進士除知江西金谿縣時分宜秉國諸郡縣吏歲  
時存問其家其監奴所過具賓主禮薦賄恐後外若罔  
聞也者比入計於分宜父子又無私覲以此雖考最稱  
治行第一而僅擢南虞衡主事外益精心吏治出督真  
州開持心如水而舟航爭輳於其途擢車駕員外郎改  
武庫在南六年僅擢撫州府知府以去時閩廣大盜林  
朝巖等突犯郡界我師敗績副使汪一中死之外下車

卽弔死問孤除苛政汰冗役簡兵保穀又築崇仁樂安  
宜黃三城修千金隄民食其利寇至斬俘中律功上詔  
賜金幣郡人建大功祠生祀之以功進按察司副使治  
兵福州閩數中倭山寇緣間鈔暴民降不帖席蚡以計  
芟薙略盡功最擢廣東右叅政嶺西大盜魯一本窟穴  
羅旁四出行劫蚡佐英薊其羽翼一本卒成禽晉貴州  
按察使建議改程番爲貴陽府設新貴縣以彈壓水西  
諸酋而諸司體勢益尊擢江西右布政使署篆越月清  
積案數千事會有以私憾爲詆譏者當事議左遷蚡聞

之卽日行主藏史白羨金八千應治裝麾不受籍而胎  
之後人丙子起用除湖廣右叅議分守上荆南道則江  
陵秉國矣父里居大吏趨承載路煥復若罔聞也者尋  
擢貴州按察使貴之民夷故服慕煥聞其來欣欣喜色  
相告也先是安酋亨殺其從父信信子知仇之相格鬪  
不休中丞某邀功議用兵煥言夷狄不可以中國之治  
治也兄弟相殺有戎索在遣一文吏往索有罪者以贖  
贖而已中丞不聽卒有朶泥之敗比煥至夷卽詣吏就  
訊而兩家之難解明年直指知江陵銜煥將誣劾遂引

年致仕時年方五十有六於體政服官時也伯子世英  
舉進士爲行人煥曰吾世受國恩未效銖兩之報幸有  
子可代矣竟拂袖歸煥早喪父痛不逮養事母聚百  
以承其惟母卒毀幾滅性母嘗爲槩一食歷數紀至  
繼時敢不忍弃也仕宦三十年無尺書通朝貴還山亦  
幾三十年無尺書通有司閭門獨處雖遇存者謝不見  
生平手不執珠玉口不言什一之方粵閩多奇貨鼎無  
一焉室中圖書滿度竹床練帳香爐茗椀而已卒之月  
遺金財半鎰年八十有三初世挺之以進士就館試進



當事者擬居首選、江陵聞其才、欲羅致之、以平宿憾、便  
人諷意、世埏堅不往、竟爲所尼、置副卷授行人、世埏欣  
然就職、思以清操振父風、凡輶軒所過、一切饋遺謝絕、  
受以才望、擬選兵垣司諫、忽暮夜有客詣間曰、公能以  
四百金爲我壽者、名乃定、不然、易矣、世埏謝曰、盛明之  
朝、誰敢干之者、且吾家世清白、孤直無援、吾寧不得兵  
垣耳、不可以不義汚吾節、比序出而名果易人之、乃歸  
南比部主事、世埏欣然就道、益以清操自勵、留意愛書、  
所用開釋曰、吾以是終父未竟之志、以上報天子、

何以恩親致疾竟不起得年僅四十有一世堪所謝  
秩不遑捷徑大節勁氣昭昭在人耳目乃天促其年  
所蓄積未及稍展竟以微疾死孰謂天可問乎其弟世  
教高才博學工古文辭以鄉進士謁選得福建閩清縣  
知縣亦以壯年卒於官文章政事爲一時利儀所著有  
詩文集若干卷行於世

山西按察副使趙宗仁祖元

趙祖元字宗仁世家金華之東陽生而奇調自負周覽  
六籍成諸子百家言尤精經生業每試輒屈其邑諸生

卽邑諸生亦無不人人心。遂曰：趙生果才。嘉靖辛卯，舉於鄉。明年成進士，而雅志厭薄吏事，疏請振鐸一方，以所學淑後進士，爲國家成就人材以上報。天子遂得教授江西之吉安。吉安故稱人士淵藪，而是時羅太史洪先、鄒祭酒守益皆以講學家居。祖元幸一郡，諸生日就請益，無不洒然自奮者。居久之，遷國子監助教。又二年，遷刑部主事，尋轉員外郎，以執法格用事貴臣，得亢直聲。又二年，僅得山西按察司僉事。是時適地震河東、蒲州境，屢歷過半，盜賊乘之崛起，抄劫晝行。祖元乃審

設方略、解散黨與、而悉籍其金錢之無主者數十萬、實貯之、且用新其城塹、境以無事、久之遷江西布政司參議、所以治之者一如山西、秩滿遷山西按察司兵備副使、未幾、以內艱歸、先是、族弟太史祖鵬、女歸平湖陸、太保炳、炳以貴、倖帥縱騎、勢甚張、自相嵩以下、咸目攝之、故炳死而太史斥、遂波及祖元、以陸黨罷、而論者亦遂以是著譽之、夫嚴陸方貴、倖時諸蠅附士、一奏其門、卽旬日間、無不驟數資、被顯擢者、祖元歷官二十年、資遷例轉、僅止一貳、使尚可謂之黨援乎、及歿、而諸子肅然。

食貧至。質資稱貸以償所遺。子錢祖元之心迹。始暴於天下云。

山東總按御史葉叔明經

葉經字叔明。上虞人。嘉靖壬辰進士。授福州府推官。又憂服闋。再補常州。決幽滯絕請託。風裁凜凜。召拜御史。時分宜爲禮部尚書。受諸藩賄。濫與封爵。經抗疏劾之。下撫按勘其事。分宜切齒。已而出按山東。東平有商賈子橫州里。多不法。立捕案抵罪。遠近肅然。是年鄉試。經監臨。發策以比房內侵。禦應失當。將賞冗濫。征求四

出財竭民因爲言錄旣成同事者請刪改且怵以危禍  
經不聽及錄上果以語令說訕下禮部議分宜因摘錄  
中有云繼體之君德非至聖作聰明以亂舊章好自用  
而不能任人皆涉毀謗貼註以聞械繫考治擬以大肆  
說謫無忠敬心詔午門外杖八十發原籍爲民遂卒於  
道同事者十三人並下獄譴謫有差先是御史楊爵以  
封事護罪下錦衣獄同輩遠引避禍經獨通問調護不  
絕及經繫獄爵使人覘之經兀坐不少動卒年三十九  
爵爲著傳於獄中隆慶改元詔復原官贈光祿寺少卿

官其子一人

雲南按察司副使姚夢賢良弼

姚良弼字夢賢錢塘人父錢隱德不仕以孝義稱江文  
昭公銘其墓以爲無媿古人如蔡中郎之銘郭有道也  
良弼安貧力學舉嘉靖乙未進士釋褐南刑部主事歷  
知岳州府有廉幹聲監司邏土酋索欲寄府藏弼不許  
監司怒之因誣撫謫河南運同尋轉知惠州嶺海險阻  
盜不時起行旅結隊伍挾弓矢而後敢行民間不復有  
儲蓄意盜時時破其室輒攘歛以去弼奏記當事者請

募民兵圍保伍每臨列構建樓懸鼓其上令之曰每盜  
發某處輒登樓擊鼓餘臨聞鼓各鳴鼓應之然後陳兵  
守隘盜至卽禽者賞緡之者與盜同罪無何而盜解散  
民得安枕已擢雲南按察司副使備兵曲靖東川酋作  
亂弼出奇平之論功當峻擢而柄相子索賂不得遂羅  
其官歸弼性廉介坦易閉戶讀書不問生產事異母兄  
甚恭撫其子如已子共焚四十年無間言及歿幾無以  
爲殮至今緡紳士大夫間高其清

萊州府知府錢大行同文



錢同文字大行嘉興人生而文弱好讀書矯矯獨立厲志聖賢之學嘉靖癸丑登進士第授祁門縣知縣未幾自持省供億行愛利執法嚴明人無敢于以私者歷官萊州府知府清操益勵後移疾歸幾於全魚塵甑人以比范萊蕪先是同文弱冠領鄉薦已聘窶人女有議易婚者同文峻拒之竟娶窶人女相敬如賓然卒以無嗣終至今人敬而哀之

廣西右布政使許子春應元

許應元字子春錢塘人嘉靖壬辰進士授泰安州知州

貞白自持惠養所部不疲民以媚上行部者以供饋不  
豐管其僚吏輒投効欲自免歸部使者因留之乃止改  
泰州知州治泰一如泰安稍遷都官員外郎歷郎中出  
知夔州府。庶靖平恕輯和民夷興學勸士孜孜如不及  
暇則求三閭大夫杜工部遺跡而祠祀之。吊古嘯咏篇  
什流播以儒飭吏彬如也。而夔之治遂爲一道最擢四  
川按察司副使尋調廣西攝兵府江誅三巨獍巨獍者  
莫氏兄弟以雄勇名兩粵間往往大嘯破城殺吏討之  
滿乃去前兵備以獲渠報至是罪人始得督撫欽上其

功應元念如是則前兵備嘗得罪乃力沮之不復上人  
皆多其長者更數遷始至廣西右布政使所在有政績  
士民懷之及入覲卒於家應元自幼穎敏日誦數千言  
篤嗜古典游心藝林爲文宗西京班馬而下不足道初  
登第時試庶吉士文已入彀執政者知其名欲一見應  
元曰吾始仕也而當樞僕鬻貴之門冒謁干進哉如生  
平何竟坐是不得充館職然應制諸作已籍籍人口矣  
天性孝友尚承親志振人困急顧貲無吝心其遺宗  
黨尤厚溫恭退讓恂恂不伐篤正君子也所著有水部

稿附堂稿所撰次有春秋內傳國語史記抄漢語若干  
卷行於世

汝寧府知府賈名儒

賈名儒嘉興人嘉靖丙戌進士官刑部主事抗節持法  
不爲權貴屈撓有考功吏受賕事逮名儒訊卽重比考  
功郎銜之竟以是出守姚江再補汝寧會世廟駕謁  
顯陵道出南陽一時郡邑吏胥重斂民錢佐供億費不  
肖者因乾沒其間名儒獨揭榜示民給還之汝民感舉  
手頌德蕙聲振於一時未幾遂乞休歸優游林下者四

十年食粗衣布如一日未常以一介干人人以清介稱  
四川按察司副使孫右文校

孫校字右文平湖人嘉靖壬辰進士初主事營繕司轉  
武選郎考彝章謝請謁以行已志都閫將校挾貲憑社  
者悉繩以法無不戢影以遺尋以偽貴註誤累請提舉  
廣東市舶轉同知衛州府賑荒息訟出赤子於湯火而  
登之春臺無不戴爲父母晉南京刑部郎風裁益勵豪  
右爲之歛跡擢四川按察司副使出淹繫撫豪酋與農  
講武平徭簡賦吏漢韓寧暇則問俗禮賢橫經訓士上

風爲之一變以病累亟乞休歸足跡不入公府衣粗食  
糲處之裕如至於兩喪執禮孺慕終身舊居故業悉讓  
弟昆而稅屋不蔽風雨人尤以爲難

工部員外郎呂宗文穆

伯子澤祖附

呂穆字宗文文懿公原之曾孫也嘉靖癸丑進士初守  
邳丁外艱補壽州治最擢工部員外郎督建三殿主計  
琉璃廠省費萬緡大工成賜金幣陞俸一級因忤嚴分  
宜尋致仕隱居白苧鄉潛心理學多發先儒所未發遠  
方多師承之拾其餘唾取青紫去者甚衆穆平生篤於

孝友而義之所在奮勇必爲郡守黃懋公墓爲豪右所  
侵力爲恢復以存其祀性尤嗜書老而好學如袁伯業  
至於家人生業未嘗口言阿堵及卒囊無餘資伯子惺  
祖倅四川彭山彭民輿誦尋以疾歸囊携眉州志數帙  
世守清白羽儀一時

太僕寺少卿周允直如砥

周如砥字允直餘姚人嘉靖己丑進士初知瀏陽改築  
源時汪太宰鉉方柄銓家奴橫甚如砥一裁以法不少  
貸汪銜之移判武昌汪罷去如選工部營繕司主事屢

郎中時 九廟四郊 慈慶 慈寧諸大工繼起川剏  
巨材斷尾至故事至則挽入臺基山西二廠聽內豎取  
裁繕司唯唯而已如砥密召工師索其總冊梁若干柱  
若干長若干圍若干榱桷椽檻之類畢具乃令挽木者  
悉以木置長安東西街召諸匠如式裁用然後進兩廠  
而所餘關頭悉送器皿廠製造御器內豎一無所得時  
內外提督如太監高忠武定戾郭勛並貴寵用事雖屢  
肆叱辱如砥第含忍偵卒日夜伺其間竟無所得後以  
積資擢太僕寺少卿念親老未嘗携家憂思勞苦竟得



疾請告歸歲餘卒家無以爲歛其清操益著云

湖廣按察司副使徐鳴川鵠

係繼美附

徐鵠字鳴川海鹽人登嘉靖丁未進士第榜次得爲京朝官鵠恬於進取請得教授常州以身爲率雖斤馳之士無不就其羈馬一日千里者往往而是遷南京國子監助教六館士執經問業者鵠必爲剖析疑義各解其頤而後已轉工部都水司主事監稅儀真通商便民所立規條至今爲令轉刑部員外郎歷郎中有巨寇戍守孝陵者毀封樹屬鵠勘治行千金所緩二日以需授者

鵠不爲動。卽日具獄詞。當大辟。以是失當路。意出守。肇慶。肇慶古端州也。土沃民樵。而征歛無法。吏徭恣爲漁。鰥民不堪命。遂起弄戈矛。爲盜端。當事者重挾之。而橫征如故。民之不靖亦如故。鵠乃首上一條鞭法。民始僅然稱便。而向之弄戈矛者。胥轉而緣南畝。已又郡設門廝。踐更。顧出身應役者。復歸其直於官。以爲常。鵠曰。奈餽餉其力。而攘之食。乃召役者。悉還之。郡界多糧。雖刀耕火種。其食自足。而實需魚鹽於民。往往私貿易。而官多屬禁之。使不通。於是剗舟毒弩。伏藏莽棘。伺便抄掠。

河漢以爲患。鷓下。令行互市法。許以所有易所無。徑入  
帖息。不敢騷境土。進湖廣按察司副使。備兵永衡。柳桂  
壤接東粵山峒聯絡。林菁茂密。盜窟穴流劫近地。鷓簡  
練卒士。嚴設隄防。兵威震肅。民以衽席而忌者。中以考  
功。遂拂衣歸。鷓質性簡直。內行醇篤。於書無所不讀。縱  
筆百千言。橫放奔逸。而不必成一家言。爲政奉法循理。  
孜孜爲民。不必炫飾。邀取時譽。行已恂恂。無所異同。於  
人而遇事。可否有踴躍獨行之介。交知多在津要者。力  
可以資推挽。絕不通一字。卒以其故見青。不悔也。身致

集却賊茗陽賊寇隣邑遶平陽瑞安傳道溢令千存道  
合平瑞兵禽賊水軍千戶任惟淵朱仲欽戍青田賊至  
仲欽遁戰惟淵走仲欽以無援故敗溢卽斬惟淵以徇  
温州平請朝京師上曰卿在邊良苦待平吳卽召卿  
浙西諸郡平乃召溢且命分兵征閩以存道守處州溢  
入見上諭羣臣曰溢雖儒臣父子宜力一方寇盜盡  
平功不在諸將後因問溢征閩諸將對曰湯和由海道  
進胡廷瑞自江西入此必勝矣然閩中尤服李文忠威  
信若令文忠率師從浦城取建寧則萬全計也上立

詔文忠出師如濫言溫賊既降乃授濫元帥還守之先是  
是我師征溫失利輒叛去溫既平又請降濫曰叛而復  
降納之無法奏斬賊洪武元年拜御史中丞尋薨太子  
贊善大夫濫務存大體不屑細故或以爲言濫曰憲臺  
百司儀表居其職者當先養人廉耻使避不犯豈直搏  
擊爲哉上祀社稷大風雨還坐外朝大怒議禮者得  
罪且不測濫曰風雨連朝無足爲恠卽禮官失議皇  
上誠敬自足昭格願賜寬霽事遂已存道部鄉兵萬五  
千從李將軍平閩後復詔存道兵從海道北征濫曰鄉

兵本農人。始令征闖許事平歸農。今復調北征。棄信不可。上不應。濫曰。兵已入闖者。俾還州里。昔嘗叛逆者。宜籍爲軍使。北征自贖。則一舉而恩威著矣。上曰。孰謂儒者迂。先生強爲朕一行。濫至處乞終母喪。不許。遣存厚還治喪。濫集鄉兵。令存道部出永嘉浮海北行。三上章乞終喪。得允。存道出崑山走京師見上。授處州衛指揮副使。戊上黨尋移平陽指揮同知。濫喪母哀毀疾作。二年卒。濫性孝友。誠確宏偉。外若和緩。至臨大事。議論爭是非。不避權勢。必折衷於理。存道征陽和遇虜。

於斷頭山力戰死

南昌府知府葉景淵琛

葉琛字景淵處州麗水人博學多才少與劉基章溢齊名元季兵亂從處州守石抹宜孫討寇有功授行軍元帥太祖聞其賢遣使以幣聘之與劉基章溢宋濂三人同至金陵進見上喜賜對皆呼先生而不名四人者出上目送久之顧問左司郎中陶安曰四人者何如安對曰臣謀略不及劉基學問不及宋濂治民之才不及章溢葉琛皆王佐才也而殿下且以禮爲羅而

甲希執政指論逮胡宗憲郡守微伺他訛法狀以屬績溪令蘭敬發曰司馬有功東南奈何欲文致之寧以官去不能也胡竟得末減已遷南京刑部主事尋乞終養居家絕迹公府以澹泊終其身

刑部尚書孫斯立植

孫植字斯立璽之子嘉靖乙未進士授南京刑部主事疏乞終養尋居父喪哀毀鬻產治葬服闋補兵部改光祿寺丞歷少卿時殿分宜柄政希進者多附之植獨守正不阿以故九年不調故事副官視釐取辦光祿費甚



不經植爲籌正。歲省大官金銀數千萬。一時巨璫。皆以鐵人稱之。擢都察院右都御史。總督河道。尋晉刑部右侍郎。比虜內犯。勅守樂文門。虜退。擢南京都察院副都御史。掌院事。拜刑部尚書。時魏國事起。下南法司。植議邦瑞者長宜嗣。魏國潮愛宜。罰鄭氏詭封。宜追奪。蘇上與論。翕然未幾。高靳鄭再相。以閹臣秉銓。盛欲修隙於植。言者希風。言疏劾奪職。植歸。十七年。目杜門屏處。起然聲利之外。漸道交章薦起。再疏乞休致仕。卒之日。家無餘貲。僅足相飲。植爲人外和內方。鮮嗜寡欲。平居溫

溫揮抑若不勝衣而臨大利害輒挺然以身當之卽刀  
鋸鼎鑊不爲動事定絕口不言而人亦弗之知也大都  
植之學問篤實踐履不規屋漏嘗曰惕然自警於幽獨  
得肆之地而毅然直行於危疑犯難之時小心謹畏於  
人所不知之處而大力負荷於衆目昭彰之日蓋其平  
生所自誓者如此賜謚簡肅朝論快之

廣西按察副使趙子衡伊

子并秩附

趙伊字子衡平湖人弱冠舉進士初授兵部職方司主  
事轉武選時中山王後徐錦衣以傳奉得官法不得變

附相與出得。上旨伊爭不可遂拂。衣還久之。起車。便竟移疾歸。伊自登第以既歷官凡二十餘年。家食者居半。其高節如此。子邦秩以進士令海門。清白自持。不嬖乃父。卒於官。民立專祠祀之。有遺愛錄。

按察副使陳彥林楠

陳樹字彥材。上虞人。少穎敏。日記數千言。逮博綜羣籍。稱鉅儒。嘉靖丙戌登進士第。授湖廣長沙府推官。歷九。理寺正。歲獄多所平反。尋出知寶慶府。慨然慕古之值。

良暇災異盜興學造士三年而惠大洽遷按察司副使  
備兵蘄松以亢直不容遂罷歸歸而杜門讀書時約如  
寒士其蘄靖簡朴之風足以勵頽俗云

山西布政司叅議徐仲孚炳

徐炳字仲孚海寧人嘉靖癸丑進士授南京刑部主事  
進郎中陟河南兵備僉事以憂去改山東僉事擢湖廣  
布政司叅議轉河南按察司副使備兵大名減供餉汰  
冗費裁省民兵溢額以休養魏人魏人咸德之屬邊戍  
缺伍部使者出清勾諸郡邑令甚峻炳曰勾軍補尺籍

無盜戎備悉破民家又發閭左護之行兼亦破壘乃入  
言部使者不便狀一道賴以全活轉山西布政司參政  
無何卒炳爲人孝篤於慕親少以父命嗣其伯氏乃獨  
加意所生庚戌中會試以近例仕籍不得書本生父遂  
罷廷對歸友愛諸弟教子以義方與人交坦夷爽罰不  
爲町畦自奉澹泊在大名值米貴遂舉家食黍豆室人  
有噴者炳歎曰民多菜色吾何忍獨飽且古之牧民者  
年飢受芋以准俸吾何爲獨不然百姓聞者爲之泣下  
數行

吏部尚書嚴直甫清

嚴潛字直甫其先嘉興人五世祖名子敬者徙居滇清  
遂以滇籍登嘉靖甲辰進士第除富順尹以掾荒課爲  
天下最丁母憂服除除邯鄲其治如故擢尋召入爲工  
部屯田司主事歷員外郎郎中丁父憂復除兵部車轡  
坐忤出知保定府三載課最歷陞易州兵備副使陝西  
奉政四川按察使卽其地轉右布政使隆慶改元罷都  
察院右僉都御史巡撫貴州尋改四川清故川吏知其  
民所疾苦乃具籍川課之當輸京者議割二十萬金蠲

近改給陝西軍餉罷郡縣卒之團操成都擾民罰其他  
約束一切以惠利爲本而痛持家法悍吏以法卒以是  
中蜚語予告聽訓五年而起督歷門閭不果改貴州人  
爲南大理寺卿尋改北歷刑部右侍郎晉尚書尋轉吏  
部上之知清自其在刑部能執法不懷權勢始旣柄  
用典銓則日夜計故事論官材丞掾以下皆親爲標畧  
楊遵彥之熟識黃次公之至精不能絕也中外吏聞其  
廉儉直牘之間幾無一跡無何疾作馳驛歸卒於家年  
六十七有七計聞贈太子太保謚恭肅清性檢厲動於事

其操行嚴於取舍。辭受尤凜凜。所居官身與僮僕食粗衣。敝蕭然也。橐中裝鱗圖書。桑雀不取。諸人其初拜尚書也。貧不能具服色。束素犀帶。以朝。或指戲之曰。公釋褐時。七品帶。故在耶。清笑曰。不然。夫犀帶不裝。金安知非玉。吾顧恐難爲上耳。其清而不刻。無崖岸。暖物之行。有如此。

刑部主事俞一清乾

俞乾字一清。平湖人。嘉靖甲辰進士。授刑曹郎。秉公執法。不少阿私。嘗有勢豪犯重辟者。夜携千金。挾中貴人。



以請乾正色却之竟致之理時首輔夏言爲嚴嵩所傾  
論死西市乾監斬私念自古刑不上大夫未有宰相而  
伏歐刀死者必有中旨放還需之不能得言竟死刀下  
乾義氣憤激忽仆地良久始甦立具疏乞歸同官憐其  
貧賤之悉不受或贈以詩有直道難容宜有去孤忠自  
許欲無生之句歸家五月以憤卒

廣東按察使馮晉叔觀

子有翼孫貢附

馮觀字晉叔海寧人家於錢塘六歲悟章句弱冠補府  
學生與童漢臣許應文方九敘輩爲文字交時海內帖

之士率入餽飮以眩耳食取青紫如掇蜩不復知有  
古學覲乃力持頽靡與漢臣諸人鑒錯夾持浸漬機沃  
蔚然倡爲敦大傳雅之體而一時操觚家無不望風興  
起甲午大校覲冠軍領鄉薦至甲辰成進士授兵部職  
方司主事時北虜內犯中外震驚覲守西直門正當虜  
衝同事胥倖惛無措覲獨意氣詳雅親冒矢石密爲機  
謀晝夜撫循詰察威令赫然士氣百倍虜知有備遂解  
上嘉之有白金彩幣之賜轉武選司郎中無何而母喪  
歸枕苫卧廬衰墨之容三年一日服除補原官陞湖廣

按察司副使明斷不私庭無冤獄轉廣東左叅政分守  
嶺南出按樂昌等縣猝與盜賊遇勢甚披猖同事皆走  
間道去覲獨冠服張一蓋危坐厲聲示以大義賊要之  
入巢覲因覘其險要居三日賊屢拜求犒覲正色斥之  
曰我天王重臣爾輩亦王民也不知有王法乎我飲  
水蒞官安得犒賊知不可犯乃輿覲以出駐韶州覲因  
知賊虛實遂選勁卒千餘人設奇襲之獲賊首馬應科  
等九人從賊百餘送軍門支解以徇覲還省乃自劾曰  
守臣不能宣布上德化導民善反爲賊所要不職莫

大於是請自免兩臺以覲職非兵務事出倉卒矧陷賊  
不撓卒獲賊首才略具見慰留不報尋陞廣東按察使  
忽疽發背卒於官年僅五十有五覲風儀俊朗賦性介  
直時趙文華附嚴分宜父子禍福人如反掌其子慎思  
貴倨凌人嘗銜無錫某令乃譖於當路欲文致之覲力  
稱令賢而止思慎知覲爲令地銜甚日夜思所以申之  
未發也或語覲當往趙所謁謝以解覲怡然不以介意  
徐曰仕止有命趙氏子其如命何卒不往覲平生於世  
好一無所染惟喜積書史殆千百餘卷多所淹貫嘗曰

吾退休時卜湖上一隙地築斗室對古人言時與二三  
知己吟嘯其間吾願足矣若朝夕營營爲子孫作馬牛  
非吾志也有存稿八卷藏於家子有翼字君卿幼承家  
學工古文辭以庠生入南監領應天鄉薦官終上猶縣  
知縣以清正稱居家孝友所以卵翼庶弟有相者愛均  
六子庭家之內長弟化之雍雍如也民間有閭閻者人  
輒尤之曰爾獨不媿大小馮君乎其於六子則日夕計  
而訓之率成佳士孟贊鄉進士官梧州司理餘多蜚聲  
賢序而貢尤有名以早夭薨林多惜之

兵科給事中許道卿貫之

許貫之字道卿錢塘人。狷介孤稜。不忘溝壑。始舉於鄉。十年不上春官。攻苦食貧。蕭然寒士。人咸介之。嘉靖乙未成進士。授吉水縣知縣。時按浙使者吉水人也。意有所屬。卽欲酬以浙事。以微言諷之。貫之曰。如此則類貿易有市心矣。愛養部民。煦之若子。惟貴于請。一切謝絕。由是吉水治。行爲江右冠。而士大夫多憚其峭直有嫉之者。徵入爲兵科給事中。將去官。卽出已資葺縣宇。繕完器具。以待後尹。曰。吾不忍重勞民也。其瘠已厚。民若

此在諫垣七日而歿。行篋惟故衣。同年親故代爲殮之。貫之清苦有介節。矢志不爲造請。非其道千金弗視也。死之後。妻子貧乏。幾不能自存。

臨江倅陸子任鰲

陸鰲字子任。平湖人。九歲悟漸頓。一途之旨。人稱爲小象山。嘉靖戊子。領鄉薦。倅臨江。時江盜橫甚。鰲卑駭諭降。而當事者欲勦之。鰲爭曰。業降已。而勦之。何以令民。民之所服者信也。令而不信。民始疑矣。殺降不仁。疑民不智。有死而已。不敢奉命。當事者悟。盡釋之。時督儲使

者至。例有金贈。熬釐之。使者快快。直排公闥。囊索蕭然。惟有圖書數卷而已。使者歎服而去。

### 河南按察司副使沈子進科

沈科字子進。嘉善人。嘉靖甲辰進士。初官行人。晉緒部郎。庚戌。虜薄都下。大司空猝不能具車牛。科旦夕爲治。具飛輓。旁集卒。賴以濟。出知臨江。勒恤民隱。民尸祝之。已。治兵。顓平劇盜。李文標。地方勒碑紀其功。時宦其地者。分宜半籠而致之。分宜子聞科才。陰令人誣科。使附已。科正色曰。某卽不才。奈何以。天子憲臣爲相公私。



人乎分宜銜之。詭謂銓部曰：「願兵使以覲去，以朱某補。」朱分宜客也。銓部謬以朱來，及朱來而科實無故也。理。願自若。朱亦次且不敢進。司銓者度無可奈何，隨轉科苑馬寺卿。左遷河南按察司副使。有欲爲科謀解於分宜者，科謝之曰：「吾奈何遂首鼠耶？」卽柄人幸而釋我，更何眉目俛仰人間乎？卒不聽。分宜愈銜之，嗾當路論去。科天性孝友，生平磊砢多大節，耻一切。韓阿態居官多。庶惠聲，待人輒飲以和，無城府。嗜學能文，熟于長家言。有史抄二十卷，藏於家。

江西左布政使秦鳴和鈞

秦鈞字鳴和、慈谿人、嘉靖庚戌進士、授南京太常寺博士、故事有事太廟、恒宴集中、貴人與堂卿並南向坐、而博士東向坐、鈞至、見設席如故、怫然欲去、中貴人曰、秦先生難我乎、此例也、鈞曰、非國典、誰能遵之、自是博士別宴他所、著爲令、晉南京吏部考功郎、當大計、持議侃侃、冢宰恚曰、司官何動相左耶、鈞曰、某知公道宜爾、不知其他、考績至燕、所執羔雁惟稅筵、諸要津目之胡盧曰、吏部郎何挾之奢耶、鈞對之怡然、然坐是滯留京

十餘年不調。嘗除夕家人覓百錢市薪。不得。以問鉞。笑曰。旦日突無煙。一歲中清寧其吉。祥孰大於是。卒不炊者數日。鉞方擁鼻爲洛生詠。聲出金石。已晉山東副臬。治兵青州。青故盜藪。聞鉞清名。諸椎埋作姦者。革心行旅。野宿如堂奧。禾幾以內艱歸。齊民巷哭。揮涕如雨。枳車至十舍。不得發。時恒王好賢。雅重鉞。每宴賜。算器食外。不敢以幣交。至是以古硯贐。舜曰。姑爲鬱林裝耳。鉞不得已。受之。比啟函。則百金籍其下。鉞驚。并硯返之。王規。特爲書謝。過服闋。補湖廣辰沅兵備。適紅崖苗叛。

鋤輕身往撫之。酋衆盡降。所省兵力不訾。絕口不言功。  
尋叅政滇藩。所治銀場。地饒珍寶。先任者無不滿籬而。  
鋤獨垂橐歸。右轄陝西。轉江西左。帑藏出納。屬郡佐庶。  
能者更司之。俾署名封識。未嘗一啟。其緘有美。額悉申。  
貯爲經費。不染一塵。時撫臣勅行錢法。民稱不便。而督。  
責頗急。鋤與議不合。遂上疏乞休歸里。居杜門掃軌。片。  
牘不入公府。布衣蔬食。蕭然如寒士。比卒。不能具棺。歛。  
閭里多爲之隕涕者。鋤博極羣書。下筆氣格濳瀚。如高。  
江急峽。下澗瀕。不可以舟。數歷凡三十年。所著樹聲實。

於清操尤著嘗曰吾清夜自思所不及孤竹二君子者  
不能食西山薇耳知者以爲不誣永陵編年史云秦  
劬爲左轄家無百金之產清修醇德可方程伯淳云

貴州按察使郭可忠孝

郭孝字可忠仁和人嘉靖己未進士授南吏部驗封司  
主事外艱服闋補北刑部福建司主事時海忠介瑞以  
直諫忤世廟欲寘極典大司寇有依違意孝忿然曰  
禍在一時議在百世遂署贛以進曰海瑞海外迂儒用  
議大體志急沽名誤觸忌諱雖出位之愆莫追而敢言

之氣足多。奏可得緩死。無何而分宜獄起。叅論諸罪。多出孝手中。外以爲快。歷員外郎。郎中。出爲湖廣按察司僉事。備兵惠潮。時嶺表盜賊充斥。巨寇曾一本林道乾爲之魁。巨艦乘風出沒波濤間。剽劫無忌。當事者莫敢誰何。孝至大修戰具。而明諭以禍福。道乾遂倒戈降。而曾首獨頑梗不受撫。孝密遣間諜使自相攻。因檄閩廣兵。尅日大舉。孝親執炮鼓立矢石間。士氣百倍。自朝至夕。短兵互接。遂大破之。鹵斬過當。曾首遁去。方密授方略。諸將吏分道禽之。而當事者忌其功。願以郊迎。後時

爲罪。各部量移別用。孝遂角巾歸第。絕口不言功。陶然以詩酒自適。若將遺世者。未幾起補河南。轉陝西布政司左叅議。晉江西按察副使。分巡饒南九江等處。襟帶長江。洪濤千里。盜賊剽掠。行旅苦之。孝乃增置戰艦。星布要津。賊發卽受捕。江道遂清。嘗獲礦盜數百人。悉杖而遣之。曰。此貧乏求延旦夕耳。不以功聞也。尋轉福建布政司左叅政。過莆陽。環視城形。三面夷曠。東南外擁高山。城俯接其下。孝曰。此審實也。往歲城陷。應從此入。遂增闢城圍。內山城中。三月而功畢。郡人士皆舉手加

額曰自今世世可無虞矣。同安獲僉兒廷臺恐其入機  
官舍欲坐強擬死。孝力爭得從減。因忤臺使意。即日賜  
門引疾。適有新命。遂改貴州按察使。致仕歸。孝歷仕中  
外幾三十年。產不及中人。居家不治垣屋。門無閑閤。或  
請更新之。孝曰。此吾先人在。弗歸田守此。敝廬與邑中  
諸貴同游。此皆甲第。建雲今幾易主。而故廬無恙。  
幸矣。夫復何營已。而千楹構亂。巨室多被焚劫。獨曰郭  
公清正。不可犯。子孫至今守之。貧不能特葺。幾無以蔽  
風雨已。方孝之備兵江西也。吏臈火延及官寺。民居數



百家吏懼甚請死孝笑曰我火延也爾無罪或曰公不火延也何說而代吏罪乎孝曰我火火律吏火人家一時稱爲長者

吏部尚書陳登之有年

陳有年字登之餘姚人剛都御史覓宅之季子也以父廕入胄監舉嘉靖壬子順天鄉試第二壬戌登進士授刑部主事歷員外郎調吏部文選萬曆改元晉稽勲郎中調驗封會成國公朱希忠卒其弟希孝援張懋贈王例爲請而首輔江陵與中人馮保爲奧援勢在必得時

太宰缺。少宰署都事。少宰江陰人。朱氏賜田。多在宜興。素有違。其爲與提與江陰中貴等有年。執証爭之不聽。遂具疏請於上。詔下。竟王希忠有年。卽日移病。或曰。一事不得卽去。何。經經耶。有年曰。不然。卽官與宰輔異。宰輔總百揆。或可忍小以就大。有年職在司封。封外無職矣。今有王封而不得爭。後何異乎。乞休不獲。竟引疾歸里。江陵在位十年。不召。江陵敗。始起。稽勲郎中。調考功。又調文選。請託不行。書問皆絕。謁選者。擬應得官如拾芥。擢太常少卿。提督四夷館。晉右僉都御史。巡撫江

西敦尚儉朴一意以無事安民會江南兩浙大侵詔下  
賑卹仍令無遏糴而江西鹽禁尤甚糴者雲至重舟街  
尾而出春雨無麥米價騰踊民困不能支而外販者猶  
不已公私咸憂之有年遂上疏自劾并陳濟急六事且  
請暫止外販以免異時之空乏忌者遂以違詔論罷歸  
而家燬於火乃市一故樓以居室家而身寓羅岩寺中  
未幾起南京右僉都御史提督操江遷協院左副都御  
史尋擢刑部右侍郎改兵部以平虜功增俸一級尋改  
吏部左侍郎晉吏部尚書自 高皇帝罷丞相以政事

歸六卿吏部爲六卿首其任尤重 文皇帝雖設內閣  
諸學士然惟奉謀議而已故委任蹇忠定猶在二楊上  
至 宣皇帝後三楊位益尊而繼蹇者資淺因稍退遜  
於是請寄行焉後王文端于忠肅繼之職守復正顧視  
忠定時終不逮矣自茲以還時有低昂要不甚遠至分  
宜在關久而吏部之權始失至江陵而始自爲真相視  
吏部如屬也然江陵素留心人材腹中富有所品臨每  
在司銓者上往請者欲絀之良難故其柄常若獨操江  
陵死職掌漸復舊至平湖陸端簡爲冢宰益以強執行

之餘。姚孫公鑑相繼無改其舊。而諸司郎皆皎皎爭淬。礪然止可及嘉靖初而已。尚不能如弘治以前也。而執政者不達江陵所以能收權之故。徒習見近日之事。謂銓司之不能以江陵事已也。遂大望有年。有年節槩山立。卽江陵不能屈。諸公益嚴憚之。自是片楮不敢及門。有年持衡如掌。選時務別邪正。明貪廉。更加意崇退讓。以抑奔競。時無錫顧憲成爲選郎。與有年意合。一時人情莫不懔懔望治。居無何。以會推閣臣失。上責有年。小問。司官俱降雜職。有差。有年乞罷。因請宥司官。不

允。是時。閣臣亦上疏申救。終不聽。已而又盡削諸司官籍。有年。益哀懇。稱病篤。疏凡十四上。乃得賜告歸。出都日。行裝止書一篋。衣一笥。冠紳二事。見者莫不歎息。歸仍寓羅若寺中。讀書自娛。間與故人詩歌相酬答。食指漸繁。則復市一故樓。徙故址上。而前剏軒三楹。居常或在家。或在寺。故冠帶不問者。不知爲吏部尚書也。卒年六十有八。檢篋中止銀三兩幾無以殮。貸於姻戚。乃克襄事。訃聞。詔賜祭二壇。遣有司治祭。贈太子太保。諡恭介。有年爲人廉直。細行必矜。清節聞於天下。至取人。

明絕不肯貴有一善則力爲稱譽然主在辨真偽尤重  
大節寧取有瑕玉砥礪雖瑩白弗眩視也好讀秦漢以  
前書刻意古文辭卽小札無不經意者宅兩經火著述  
稿多不存今存者有奏議若干卷詩文若干卷

青州府知府李汝致學道

李學道字汝致東陽人其先爲宋都監處耘旣下荆南  
以功名爲大官徙居烏傷再徙東陽之古堰里父思明  
以任俠雄里闢舉道獨子不欲苦之儒曰守吾故武足  
濟也道乃月隱從師受經屬文有聲補博士弟子連舉

嘉靖辛酉壬戌上第釋褐丹陽令三年以治最冠江南  
薦剡屢騰且內召而適以父艱歸俸餘財五六金不能  
具喪事則開里塾授徒自給服除赴吏部選以未滿考  
當再補邑而會有臺諫選楊尚書博風聞道賢謂其屬  
曰若卅陽李令者可待滿而後擢耶留拜江西道監察  
御史尋按視中城中城狐鼠窟也涓人爭治室以居冶  
童賤倡索非分利道悉逐去之涓人固已心恨道而會  
有內使許義挾刃攔入民家橫掠酒食財物者道捕笞  
之禁於獄未竟也諸涓思挾以甘心焉會朝罷出右掖



門羣涓微道而筆搏之至敗而裂裳不已道猶叱咤曰  
若徇黨乃敢凌天子之執法臣耶御史大夫以下俱  
上疏論糾諸涓時官府洶洶莫適爲勝輔臣陰與柄內  
樞者謀而先發之逮三首惡杖之百發戍邊餘九人各  
杖六十謫佃孝陵然猶調道郡職以兩解尚書楊博  
疏請留道仍故御史歸里養病不許道嘆曰我何惜惜  
國體耳乃所遭際逾於崔發遠矣遂得廬州之司理無  
何擢南車駕主事進職方郎中擢知順德府未上而以  
王母喪承重歸服除補山東青州府知府道既有彊直

名又精悍練事體青人已內嚴之道至取滯獄之積土  
餘年者一讞而決悉得其伏情黥吏大猾脅息不敢爲  
非然不專爲威拊以恩信懷惻之俗一變易歲之後訟  
獄稀簡日垂簾坐嘯而已會上有大婚選事下郡國  
驅馳過剗感疾卒得年僅四十有七道有經濟大略材  
器磊砢不凡亟用而亟不盡僅一見之郡邑稱循吏而  
已官材者至今猶惜之道性狷介非其義一介不取自  
奉澹泊至不能飽妻子而間有所施予領橐應之無吝  
色也在丹陽時嘗雪一死獄其人夜懷千金以爲報道

教。然曰。吾向者。惟知有。克宜。雪耳。不知有。若也。若。奚爲。而德我。奈。何以。苞苴。而。黷。汚。清白。哉。壑。辭。不。受。其。人。泣。拜。以。去。惜。乎。不。假。其。年。以。竟。其。才。鄉。評。以。爲。恨。其。潔。廉。自。克。類。如。此。

秦州知州沈元明漆

子弘遠附

沈漆字元明海鹽人家貧力學舌耕以養父母門下士拾其墜者振青紫如拾芥而漆獨屢踰名場無愠色益力學以自勵至隆慶丁卯始與賢書明年成進士釋褐秦州知州甫下車值歲旱赤地千里民之飢死者以澤

重急發廩以賑不足捐俸勸分以益之明年大雨寶應  
湖決萊色之民半克魚腹薄呼天而泣曰某奉職無狀  
以致上天降割非身塞決隄何以謝咎乃布衣草屨日  
奔走舂鍊間泥濘沒踝不恤也百姓感其誠頓忘飢疲  
不旬日而隄成說者以比漢之王尊當是時水旱相仍  
流離載道彼荷鋤者且艱於粒食而矜佩之士顧安所  
得半菽而啖之然添不忍獨飽也節縮釜庾與諸士共  
諸生無不奮起每月朔必詣學官謁先師進諸士於堂  
較其行藝而上下之諸士無不欣然相告曰沈公我師

也。每公暇輒携酒內庭行。阡陌間有勤於樹藝者，躬執  
酒以勞之。遇病瘵，則撫摩之如小兒。百姓亦無不欣然。  
相告曰：「沈公，我父也。」諸豪猾聞之，無不捫心去。曰：「不可  
污我沈公。」諸舞文作奸者，亦無不洗心自矢。曰：「沈公仁  
若也，不可欺。」欺仁若者，不祥。不祥年而罔圖爲空，幾於  
卧理矣。顧性清簡，重廉耻，而略禮文。計日受俸，不名一  
錢。諸縉紳以幣交者，不受。亦不報。諸縉紳初疑其矯，久  
而察之，直清也。時醴使者爲同年生，念蒸清苦，檄權知  
鹽樵事。嘗例所入，使者不無有割腴之想。而蒸殊不屑。

屑也。比至縣，鉞趾之具於庭，一切以三尺從事。富商乃  
贖數千金以例進。滕大怒，叱曰：「奈何污我！」卽投檄歸以  
是失使者望，遂誣署其考曰：「催科政拙。」滕聞之，笑曰：「吾  
非拙於政，拙於貪耳。」竟拂袖歸。未幾，調河東、陝西都轉。  
塩運司副使乞身養親，遂不起。日出其所學以訓諸子。  
仲弘遇以鄉進士，官終邳州知州。孟弘達不屑仕，以君  
陳之政施於家人，稱孝友。無間言。先是，滕歸貧甚，於諸  
生時確田數畝，無以供饋。粥陋屋一椽，不足蔽風雨。滕  
處之晏然。郡邑當事者重其品，時時造請，促膝終日。一

語不及私。或當事者欲以私微規藩。亦終日相對不敢言。退未嘗不歎息曰。沈公不言私。猶可及也。使吾輩不敢爲沈公言私。不可及也。其清德爲人所服有如此。卒年五十有九。誥贈奉直大夫。

太子少詹事黃懋忠洪憲父 錄子承玄附

黃洪憲字懋忠秀水人。父錄初官兵部主事。時同里有爲太宰者。覬錄祖址。陷以美官。錄屹不動。時人稱其勁。官終貴州憲副。居家以節儉聞。嘗訓諸子曰。不大節者。不大廉。不薄享者。不厚餘。故洪憲幼承家學。刻志讀書。

足不窺園者十餘年。衣冠樸素，不識者不知其爲貴家子也。隆慶丁卯，舉鄉試第一。又三年，舉南宮第二，授中秘。文章冠天下。萬曆初，江陵柄政，以人望推憲，分校禮闈，欲屬其子憲，不可。江陵廷責之，至聲色俱厲，弗爲動。後江陵敗，人服其有待。癸未，入闈校禮經，尋預修會典。國史直起居注。乙酉，主考福建。戊子，主考順天。所拔皆一時之譽。天下誦其文。歷春坊庶子、太子少詹事，侍讀學士。侍日講，會忌者，摘其所舉士，文不中程，遂乞歸。日與故人門生讀書談道。杜門，卻執。又十餘年卒。憲端。



謹醇厚。生平不設城府。至其取予。嚴於一介。初爲編修。時使朝鮮歸。止携圖書數卷。諸牢醴。廷實皆籍記。遣譯者謝郤之。朝鮮人爲立郤金亭。比於許相公。國國故先以使事至者也。獨其剛腸疾惡。斷斷不少假借。修郤者必欲以試事中之爲愉快。天下聞而寬之。所著有皇明文獻朝鮮典志。鑒坡制草。學易詳說。學詩多議。碧山學士稿各若干卷。子承玄。弱冠舉丙戌進士。起家水部。潯有勞績。官終福建巡撫。以廉幹稱。

袁項子南元序

項元淳字子南襄毅公忠之曾孫蘄州衛指揮使鑑之子也。生五歲而父鏞卒。宗人有利其世官者嘗令人挾七首伏床下。母黃心動搜得之。命以屬吏。元淳跪請曰：「死生命也。且殺一人一人復至。徒以重怨。不如備耳。」母黃喜曰：「童子而有仁心。吾無慮矣。」乃寄養他所。而以餘貲萬三千金寄郡帑。俟元淳長而授之。無何而郡大飢。母將歸所寄帑中金爲家人益釜庾之備。元淳歎曰：「吾一家飽。奈何坐視一郡之人飢乎？」乃詣白郡將。郡將固廉吏。大詫曰：「此有司事童子。何爲者？」因歸元淳金。元淳

固讓廼糴穀以食飢者所全活無筭母黃大喜曰始活一人而今活千萬人童子之仁心益廣矣今而後吾真無慮矣年十三補邑博弟子以高等授饒文學日輩三吳高才生無不歛衽下之曰項生射雕手也先是襄毅以石城功廕一子世爵錦衣衛千戶尋以廷劾汪直廢法事爲所中奪職歸并徙廕蘄州衛指揮非法也至元津且三世矣嘉靖初有詔錄勞臣後自公侯以下擢排失職者皆得叙於是元津伏闕上書曰先臣忠從英廟北狩重趼自拔薦經驅使頗著勞績屬逆虜滿四盤

據石城殺一伯三指揮全陝震動遂縶六師躬行天討  
親冒矢石以時削平 憲廟嘉悅予世官錦衣衛置諸  
親臣之列晉大司馬憤巨瑄汪直恣橫首疏發奸麗其  
西廠卒爲中傷錮官於外逮臣父鏞二世以不得執就  
賜廷爲恨乞下所司覈實以彰公論 上覽書即日還  
官元濬錦衣衛抑一階爲百戶尋轉千戶爲西司房理  
刑時分宜子貴重用事意所不可輒屬錦衣中以法元  
津陰說其帥陸太保炳曰吾誦法以伸意是代彼受惡  
名也究且代彼受禍度能爭善不能爭莫若陰寬吾

法而徐以解其意太保以爲然言者多恃以全而太保亦有聲縉紳間分宜子故聞元津名臣後精經術思借以爲重使人好語元津卽少假太保坐旦暮可至也元津默不應而外父吳尚書鵬方秉銓元津念欲引嫌遠以新安之後歸錦衣號親臣奉使者官校多不法莫敢誰何元津爲申約束所至傳舍秋毫不敢犯議者以爲得體旣畢事或勸之行元津曰吾官如嚼蠟無復餘味且兒輩相次長矣不可以無教不教之子何以亢宗妻自有所制不可身自蹈之耳蓋指分宜子忠居無何分

宜子果敗富。是時游內士大夫不能自固者。輒有濡足之患。而元淳獨脩然無累。從容笑曰。吾之一丘一壑。過人遠矣。遂大發其所藏書。日夕課諸子。不少休。已謂大兒世芳曰。若任執戟乎。趣爲我入衛。天子語小兒承芳曰。若其畢我志。則以厚幣走四方。招置諸名士。與承芳相切磋。而承芳果成。癸未進士官刑曹。里中士大夫相顧語曰。錦衣公教子之言驗矣。項宗其益亢乎。然元淳不數數也。居恒雅好賓客。座上常滿。中外親戚待之舉火者數十家。計一歲所入。隨手散施。略盡。坐是產日

落索中日益如洗而元澤行意自若或無以應則舉首仰視而不言諸子知其意密共營辦始津津色喜曰兒輩知吾心乎其天性好施如此生平無他嗜每笑人好丹青及佞佛求福者惟是坦衷直腸絕不以機械惜其方寸故神明至老不衰素彊無疾忽絕粒二十餘日止啜蔗漿一兩口遂脩然而逝若委蛻人言元澤不求仙而得仙之中虛不信佛而得佛之解脫云卒年九十有

二

通政司叅議朱洪虞廷益

朱廷益字洪虞嘉善之武塘人隆慶庚午舉於鄉萬曆  
丁丑登進士第授漳浦縣知縣下車問民疾苦計絕饋  
遺歲不登捐俸糴粟徒跣郊垆手調粥糜以食饑者全  
活無算亡何以救荒論列謫判連州稍遷嘉定縣知縣  
其所以賑卹飢疫者功倍於漳三載不通家問丙戌擔  
簠跨蹇上都門槩無所修贊治行第一且注銓曹而後  
依二親不能北請南遂得禮部儀制司主事故事禮曹  
郎宴享費出諸伶悉屏去之移南選司主事遷考功郎  
請託不行少宰海公瑞曰朱君嶷嶷其中流之砥柱乎



下交爲同志友。尋奉勅提督江西學政。凡二載。校士環  
十三郡者。再一日。臨建武。蓋王領古果受。而檄於學官。  
以備羽。簪翌日。以兄弟請。不應。諸豪貴不敢干。人服其  
公而嚴。擢南光祿寺少卿。晉大理寺丞。時都御史李世  
達侍郎趙用賢相繼去位。上疏言老成當惜。不報。尋以  
外艱歸。服闋起。南通政司叅議。署司事。每黎明而訊。兩  
造時。璫使橫行。多所株逮。江潮道梗。上疏言小人蠱惑。  
萬乘騷動。畿輔不報。無何而以瘖下卒。年五十有五。卒  
之日。鄉人檢其遺。素僅得餐錢數銖。越葛一端而已。廷

益天性孝友甘毳先奉二親出入請命祭祀躬自涓澣  
一稟古禮待宗族友朋多所賑貸食無兼味衣無重縠  
人有所請曰某不敢以子弟干人可爲他人請謁乎祖  
父遺田不增一畦凡寸善片長之士虛心引薦不令人  
知不受人報曰行一善易若成一人所著有語錄若干  
卷詩百餘首名曰清白遺稿蓋言志也

兩浙名賢錄卷之三十人終